



## Cyfrifo'r llog ar daliadau Treth Etifeddiant

Y ffordd hawsaf o gyfrifo'r llog sy'n ddyledus ar daliad Treth Etifeddiant yw drwy ddefnyddio'r gyfrifiannell llog sydd ar ein gwefan.

Ewch i [www.gov.uk/guidance/hmrc-tools-and-calculators.cy](http://www.gov.uk/guidance/hmrc-tools-and-calculators.cy)

I gyfrifo'r llog eich hun, dilynwch yr arweiniad yn y daflen gymorth hon. Mae rhagor o wybodaeth ar ein gwefan. Ewch i [www.gov.uk/treth-etifeddiant](http://www.gov.uk/treth-etifeddiant)

### Sut i gyfrifo llog ar y dreth nad yw'n cael ei thalu fesul rhandaliad

1. Cyfrifwch nifer y diwrnodau o'r dyddiad mae'r llog yn dechrau (blwch 55 ar ffurflen IHT400 'Cyfrifiad') i'r dyddiad yr ydych yn disgwyl talu'r dreth, gan gynnwys y 2 ddiwrnod eu hunain.
2. O'r tabl cyfraddau llog yn ffurflen IHT400 'Cyfraddau a Thablau' chwiliwch am y gyfradd llog ar gyfer y cyfnod hwnnw.
3. Lluoswch y dreth sy'n ddyledus (blwch 54 ar ffurflen IHT400 'Cyfrifiad') gyda'r gyfradd llog, yna, lluoswch y swm hwnnw gyda nifer y diwrnodau ac yna rhannwch yr ateb gyda 366:

$$\frac{\text{Treth sy'n ddyledus} \times \% \text{ y gyfradd llog} \times \text{nifer y diwrnodau}}{366} = \text{llog sy'n ddyledus}$$

Nodwch eich ateb ym mlwch 58 ar ffurflen IHT400 'Cyfrifiad'.

#### Enghraifft 1

Bu farw'r ymadawedig ar 7 Mawrth 2004. Anfonwyd y papurau a'r dreth atom ar 14 Rhagfyr 2004. Y dreth a oedd yn ddyledus oedd £5,000.

Ar gyfer marwolaeth ym mis Mawrth, y dyddiad y bydd y llog yn dechrau yw 1 Hydref o'r un flwyddyn. Y dyddiad ar gyfer dechrau cyfrifo llog yw 1 Hydref 2004 a'r dyddiad gorffen yw 14 Rhagfyr 2004.

1. Y nifer o ddiwrnodau rhwng y 2 ddyddiad hynny yw 75, sydd wedi ei gyfrifo o'r canlynol

Diwrnodau ym mis Hydref 31

Diwrnodau ym mis Tachwedd 30

Diwrnodau hyd at 14 Rhagfyr 14

**Cyfanswm** 75

2. Y gyfradd llog ar gyfer y cyfnod o 1 Hydref 2004 i 14 Rhagfyr 2004 yw 4%.

3. Y llog sy'n ddyledus yw:

$$\frac{£5,000 \times 4\% \times 75}{366} = £40.98$$

Nodwch £40.98 ym mlwch 58 o ffurflen IHT400 'Cyfrifiad'.



## Pan na fydd llog yn daladwy ar randaliadau

Mae Treth Etifeddiant sy'n cael ei thalu fesul rhandaliad ar rhai mathau o asedion yn rhydd o log. (Rydym yn galw hyn yn 'rhyddhad rhag log' (with interest relief neu WIR)). Mae hyn yn golygu eich bod ond yn talu llog os ydych yn talu'r rhandaliad ei hun ar ôl y dyddiad mae'n ddyledus.

Mae rhandaliadau o Dreth Etifeddiant yn rhydd o log (os telir y rhandaliadau ar amser) os yw'r dreth ar y canlynol:

- cyfranddaliadau neu warantau sy'n gymwys ar gyfer taliadau fesul rhandaliad - ond mae cyfranddaliadau mewn cwmni eiddo neu fuddsoddi (p'un ai ei fod yn gwmni sy'n delio neu gwmni daliannol) ond yn gymwys os yw'r cwmni naill ai
  - yn gwmni daliannol neu'n gwmniâu sydd ddim yn gwmni buddsoddi nac yn gwmni eiddo
  - yn grëwr marchnad neu dŷ ddisgownt yn y DU
- busnes neu fuddiant mewn busnes sy'n gweithredu i wneud elw
- tir sy'n gymwys am ryddhad amaethyddol
- coed
- tir, adeiladau, ac offer a pheiriannau sy'n gymwys i gael Rhyddhad Busnes ar gyfradd o 50% (ar gyfer marwolaethau o 6 Ebrill 2026 ymlaen)

### Os oes angen i chi gyfrifo llog ar daliad hwyr o randaliadau sydd fel arall yn rhydd o dreth

1. Cyfrifwch nifer y diwrnodau o'r diwrnod ar ôl y dyddiad mae'r rhandaliad yn ddyledus, hyd at y dyddiad y byddwch yn disgwyl gwneud y taliad.
2. O'r tabl cyfraddau llog yn ffurflen IHT400 'Cyfraddau a Thablau' chwiliwch am y gyfradd llog ar gyfer y cyfnod hwnnw.
3. Lluoswch y dreth sy'n ddyledus (blwch 39 ar ffurflen IHT400 'Cyfrifiad') gyda'r gyfradd llog, yna, lluoswch y swm hwnnw gyda nifer y diwrnodau ac yna rhannwch yr ateb gyda 366.

$$\frac{\text{Treth sy'n ddyledus} \times \% \text{ y gyfradd llog} \times \text{nifer y diwrnodau}}{366} = \text{llog sy'n ddyledus ar randaliad rhydd o log sy'n cael ei dalu'n hwyr}$$

Nodwch y swm hwn ym mlwch 59 ar y ffurflen IHT400 'Cyfrifiad'.